





臯部沈譜歷世傳贊銘狀卷六

康熙辛巳歲沈族諸子校纂

山陰胡肯堂南仲甫真諱

第一世

道眎員興府君合傳

附贊

萬曆己卯七月

沈梲

九世孫

第二世

二十三日撰

府君行道二字定之生而穎敏侗儻有大志及長凡

詩書陰陽鑿卜等書罔不研究世居雲門斤竹之間

時元兵由陸掠山巨宗率避居水村棄室廬離墳墓

倉卒為苟全計府君素暗地理人盡以道眼推之見

臯部之原謂卜居無踰此者於是結廬而居焉既讀

且耕亦勤而儉配周氏諱瓊二實能相之業漸以饒



子員興卽玄四府君府君多氣節有幹略繼志克家  
富冠鄉閭往往擊鮮擷蔬以款賓友發囊施粟以周  
貧乏動由禮義纖毫不敢踰越故雖一時新造而作  
述纍纍得以傳聞者罔或盭也則夫無窮之澤有以  
大振于數世之後者非府君之有以啓之乎舊譜謂  
其治家有方名聞鄉邑顧不足信歟配朱氏諱良二  
生三子長旺二次旺四卽樂靜府君季旺六道脉府  
君生卒年月以譜牒焚燬無所考其葬處或云在斤  
竹廣陵或云在麻地頭未知其實員興府君生卒年




月亦無所考合葬所居東岸之陽

贊曰惟翁厚德厥配同之有子克紹萃於一時父作  
子述開我宅基背海面山左纏右隈子孫咸發于斯  
又曰再瞻東涯員翁墓道鬱矣佳城道翁遺教石垣  
環繞翠栢覆冒九世孫橋鼎新樹造



皇朝詩林  
 卷之  
 典廟第合傳  
 二

皇朝詩林  
 卷之  
 典廟第合傳  
 二





第三世樂靜府君傳

萬曆己卯七月  
沈槐  
二十三日撰

府君諱伯英行旺四號樂靜生而警異起居言動不  
伍於諸兒於父母尊長前執弟子禮彌謹玄四翁撫  
之曰是誠足以嗣吾宗者已及冠時元綱日弛人心  
思亂人或勸之進取曰此何時哉益歲晦明興法網  
稍密府君遂課農桑甘勤苦暨配秦氏督蠶織相與  
處守不復爲功名計旣而世業所增不啻十之六七  
於是喜曰夫今而後吾之志願庶足展哉推所欲盡  
之恩飭所必備之禮吉凶親黨之間油然秩然可親



可仰生平好文章嘗以詩禮教其子孫其交遊惟勝  
已者與之是故身不出里閭而聲名已馳於州邑浙  
之評德行者咸推之

論曰天下之隱三心隱為大跡隱次之是故不以迹  
而以心則朝市宦於山林不以心而以迹則終南巧  
為捷徑府君之隱在鑑湖之陰非必入山之深林之  
密也有親戚朋友之往來非必違親而絕俗也心之  
所樂蓋惟靜焉耳矣迹烏足以泥之語云隱不違親  
貞不絕俗若樂靜者寧非斯人之徒歟



第四世寶善沈翁傳

嘉靖己酉  
孟秋撰

金

哲

橫塘

翁諱勤字思學會王考道暉王考員興考伯英世以積善稱於鄉至翁益欲金玉其善故以名堂翁幼時從師受書卽知大禮羣兒中穎然自異出入起居自有成法而事親處兄弟之間尤能悉得其心旣以長主理家政釐然不亂性甚方嚴而表裏一致是故人率敬服無敢諱且盭者躬督傭僕課樹藝飭驕惰節浮華濬辟荒穢承先人遺積其後益拓以饒富冠一邑於是創宗祠立義學置潔田務爲久遠計至於



比閭黨族之間親戚賓友之際以及子孫之趨侍其  
情義交至鎰公師郤已爲之辭而表諸墓矣余不敢  
贅配錢氏山陰望族女也家固富字之日河礪自什  
者四倉牛羊死傷者過半旣于歸沈姓日昌而錢氏  
遂日微矣安人之福其可量乎徵諸彼此而自見矣  
墓在龍床坡原於是葬九十二年矣嘉靖己酉其五  
世孫蓋俾子續修宗譜故得聞翁履善之詳而爲之  
傳

論曰翁之所寶者善耳固無心於富貴金玉也而富



貴金玉自得於善慶之餘再世之後其諸孫若砥菴  
者趾美甲科爲良大夫抵於今表表在科署者不一  
而足彼徒以富貴金玉而已者果有是哉傳曰積善  
之家必有餘慶信夫





Faint vertical columns of text, possibly bleed-through from the reverse side of the page. The characters are mostly illegible due to fading and ghosting.



第四世寶善府君傳

崇禎癸未撰

沈

煥

十世孫

四世祖寶善府君諱勤字思學別號寶善配錢氏太君生三子長潭次淮次源府君工於文學嚴於治家孝於親友於兄弟創立義學名之曰野趣別業時若羅君絃金君彥禎等十三人皆當時名士也從而詠詩作賦焉累卷成集其中令子弟并鄉里之長幼胥入而講禮讀法當高皇帝時世道昌明賢才炳用府君志在大行孳孳誦讀竭朝夕不輟靖難後遂幅巾道服絕意進取益博覽載籍與古爲徒歲時令節或



與儕輩談及建文時事未嘗不歔歔泣下有貧乏者  
往往周給之無常數嘗取書惟善爲寶之意以名其  
堂鄉黨隣里恩湛義渥故至今猶嘖嘖人口不衰云  
府君美姿容衣佩寬博髭鬚修爽望而知爲有道長  
者尤長於古禮有家訓儀制圖註等編存焉  
贊曰隋珠夜光庸賈盜糧六行是修餘慶弗央積之  
冥冥迺以久長



第四世寶善沈處士墓表

天順戊寅  
閏二月撰  
銘師邵  
維陽

距會稽縣東二十里許里名臯部著姓沈氏居之既而亢其宗者爲寶善處士宣德三年己酉年五十有七以疾卒葬所居東偏一里許爲龍床坂原後二十有九年爲天順元年丁丑正月二十有九日其配錢氏卒其子封雲南道監察御史潭將以明年閏二月二十有九日扶柩合祔處士兆次先期遣長子恠持狀謁予曰先子卒既有銘惟表墓之辭尚缺敢因先妣之卒并而請之念交稔且浹孰與吾子幸弗讓予



謝不敏怪反於一日後復至予遂跼蹐不果辭按處  
士諱勤字思學以寶善名堂人因舉以爲別號曾祖  
道眎祖員興考伯英代有德善妣秦氏處士性方嚴  
有軌度篤倫理敦行義表裏一致人敬服之治家內  
外斬然諸子雖岐嶷多才而動遵約束不敢違越尺  
寸雅善治生充拓產業富冠諸邑但澹泊自甘斥其  
餘以周窮乏料量平施不以奇贏取息售物平直未  
嘗射聲價爲低昂歲寒雪深察里中炊烟不起者召  
而貸之粟屢空者則度其力所及或割田與耕而均



其租入或假以牛羊畜牧俾之孳息顛連賴以多蘇  
嘗長二稅於鄉徵輸有方不溷人一飲一食是故咸  
相勸勉事卒先集官長恒舉以勵其他高人雅士過  
其門處士欵接不倦呼諸孫侍立左右雖童稚皆使  
習知禮義稍長則延師教之卒期于成惟處士之開  
其先者如此識者已卜其勃興於將來矣不幸先安  
人而卒安人山陰令族子永樂間處士以富戶事上  
訴京師安人治家絲毫不失及既卒益務勤儉以率  
其下雖享富厚而衣服飲食無揀擇去取日事女紅



耄猶不廢於諸孫必善視之未嘗加叱厲聲色尤喜  
濟貧恤孤親戚鄉隣婚姻死喪隨多寡周給之其外  
姪之孤窮者自少及壯爲之造成焉晚年益康健嘗  
邁疾且革御史君割股肉置糜中以進安人疾尋愈  
如是者再至是卒壽八十有八其生先處士三歲于  
男三長潭卽御史君其封以子性官次淮次源皆先  
卒孫男六人性恪恂悅性恢性舉景泰辛未進士拜  
監察御史轉中順大夫知寧國府事所至輒著聲績  
孫女三人惠嫵適張永模惠娟先卒惠嫵適張信曾



孫男十九人 瓊璐珪瑋琨琰璟瑤璨玳球珍璞璉璉  
瑠璧玕璵曾孫女六人 其三已嫁 章軫胡福章恕餘  
尚在室 元孫男三人 萊蘭蕙

表曰 創業作式 惟善惟德 厥配貞懿 允矣內則 垂裕  
後昆 詒以燕翼 龍床之源 佳此窀穸 古栢森鬱 參天  
黛色 之玄環繞 福澤靡極



式錄

崇謙公諱某字某

公諱某字某

公諱某字某


公諱某字某

公諱某字某

公諱某字某

公諱某字某

公諱某字某





第四世寶善公像贊

魏驥曰惟善是寶不襍紛華創基肇業勤儉起家有  
子善繼蘭茁其芽鄉邦推重譽命實奢遺像儼然可  
樂可嘉

韓邦問曰貌古而清臞心純而體舒不逐逐於蠅營  
惟拳拳於積書其行也莊重而方嚴其正家也反  
身而威如建祠堂教子孫以致孝開義學俾鄉彥而  
崇儒心事幾於無我而行義收於流俗其諸善人之  
徒歟







第五世裕菴沈公傳

成化乙酉  
八月撰

銜師邵

雒陽

公諱潭字廷鑑會稽高平里人父寶善母錢氏自高  
祖道眎來沉酣淳朴以涵濡有餘不盡之澤二百年  
有奇矣公讀書恒自負不屑屑與人爲伍以察政方  
殷公役叢襍不得已遂舍置時寶善方創宗祠立義  
學未及究竟而卒哀毀之餘公乃愴然興曰繼述吾  
責也於是祠之重門厨庫器服先所未備者咸備無  
缺置祭田義學田以充其需安人素相寶善以義者  
喜曰有子如是汝父爲不死矣然每以失怙爲恨事



安人能聚百順。一曰。遘危疾。刲股煮糜。以進疾。尋愈。如是者。再仲弟尚睦。季蘭。臯友愛極至。尚睦年四十。二而卒。惟孤。恂。蘭。臯年二十五。卒於京。惟遺腹孤。悅。公四子。恂。恪。性恢撫。字孤穉。勝如已出已。而教養成。婚娶畢。議將析產。恂請曰。二姪非伯父身。且不保。況其他乎。今若此。願與從兄弟輩均之。公直答曰。作三股分。恂推一。長者微道之。不可比。性在郡。庠。恂請割田。以爲燈油之助。乃許諾。時正統戊午。己未間也。景泰乙亥。以子性貴。封御史。自是杜門不入公府者十



有餘年惟日具冠服焚香以告天祖曰願性爲好官  
無玷朝廷寵命有司爲建繡衣坊於通衢夫役自給  
不經公家淮弟之終也恂方弱冠挈金一囊以付公  
曰可與之不可則見自取之歸而藏之篋中及析產  
與之封識如故至義所當爲雖數百金不計外家錢  
妻家吳女家張悉爲買田築室徙居宅之左右周給  
之無常數歲侵發粟千石佐有司賑濟禹廟壞倡舉  
修復里中有盜戈校尉贖者訊之深致懲艾不以聞  
諸有司其人畏威懷惠而去卽有事不協訟不終者



不之官而之公得一言而解如此類不能盡述與吳

孺人雍睦相成終始如一諸子隱顯不等而各長於

文藝則公之世澤足徵矣壽七十有六葬本邑大湖

山麓

論曰裕菴諸行皆足錄繼述事類劉允迪割股事類

雷天錫讓產事類薛包義焚香事類趙清獻託金事

類范文正恤親事類疏太傅發粟事類張儉修祠事

類狄梁公解紛事類陳仲弓嗟乎孰謂古今人不相

及哉謹書之以勵世之汶汶者



第五世尚睦生沈君行狀

宣德乙卯  
春三月撰 錙師邵 銜陽

君諱淮字延衍姓沈氏自號尚睦生代爲越之會稽人曾祖諱員興祖諱伯英考諱勤號寶善妣錢氏君秀穎不凡朝夕力學頹然一偉男子性倜儻尚氣節不輕下人而在父母側油油翼翼須臾不忍舍去翁素方嚴有軌度於諸子雖甚鍾愛毫髮不相假借君承順顏色務能得其歡心翁卒奉母夫人益孝謹事無巨細必關白而後行兄弟三人友愛甚篤人無間言其季蚤世撫其妻子曲盡恩義喜交游惟直諒多



聞是與而久敬不衰匱乏則周給之急難則扶持之  
所善嘗遺書規君過失君慨然悅服嘗出其書以示  
人曰其誠藥石語也吾已弦韋此久矣家素饒爲萬  
石長君身任勞勩纖毫不忍累其父兄每出督租稅  
未嘗妄受人一飲一食而徵輸有方故民悅而事易  
集上官數獎諭之郡縣有急務馳帖責君經計君從  
容自若徐起而規畫之應期而辦其敏於幹濟有如  
此讀書通大義率能得其要領間弄筆札亦道媚可  
觀他若棋博卜算之藝亦皆精到儕輩咸遜其能官



德七年癸丑夏四月忽邁未疾至是且滿三載鑿禱  
百方訖不效呻吟之聲達旦親朋問候無虛日酬對  
皆盡禮意病少間猶手一編以自遣旣而勢轉劇度  
不能復生乃顧謂母夫人曰兒不孝弗克終養是歿  
有餘責也母幸毋重念我舉室莫不悲慟又顧其兄  
曰修短命也夫何憾兄幸以禮葬我勿作佛事惟墓  
中不可以無辭尚善圖之言訖遂溘然而逝實宣德  
乙卯正月四日也年僅四十有二洪武甲戌四月二  
十七日生娶同邑秦氏子男三人曰恂曰慤曰傲女



一人惠娟慙傲惠娟皆先卒十以次年某月日葬於  
宅東一里許大臯部之原耐葬先人兆次禮也師郤  
辱君知最深且久慮無以慰君於地下遂狀其凡行  
之梗槩授其孤俾求能言之士以圖其采擇云



第五世尚睦生沈君墓誌銘

正統丙辰  
秋九月撰羅

絃豫

宣德乙卯春正月四日會稽沈廷衍卒母兄痛之親  
舊哀之鄉閭戚焉廷衍性調儻負氣格軀質魁梧有  
幹局與人言肝膽披露縉紳先生往往折輩行與之  
游世居會稽之臯部曾大父員興大父伯英父勤別  
號寶善翁母錢氏其先皆善治生理不求聞達至翁  
益克樹立有光於前入翁三子廷衍居次自幼岐嶷  
授以書能記憶不煩師訓稍長卽承門戶事徭役繁  
興酬應殆無虛歲宣德丁未朝廷將營建悉檄取天



下各色匠赴京師慮有隱遺許相告舉於是在籍者  
或稱怨家或誣富室非以報讐卽以索賄根連蔓結  
莫敢誰何時里中有隸匠在京者以告舉疏附所親  
俾歸示翁意將鈎致其賄而止及至延衍卽白翁曰  
此而不校何以立門戶乎遂以其疏附訟牒赴通政  
司控告其人竟抵服因而得釋者不可勝數延衍嘗  
與予季綸游故視予爲兄比年予適主其家塾恒與  
予言若托予以銘其墓者及卒卅以是年十二月七  
日祔葬縣東二十里雷門鄉臯部原先塋之次先期



其母錢氏命其孤恂纓經再拜請予銘之予固不得而辭也姑掇其章章者而爲之銘其詳則有雒陽銘師邵氏所狀之行實在廷衍諱淮別號尚睦廷衍其字也生於洪武二十七年四月二十七日配秦氏子男三人長恂執親之喪曰慤曰懃女一人惠娟皆先卒

銘曰以廷衍之才胡不錫之以位以廷衍之賢胡竟俾之蚤世旣嗇其躬宜豐其裔雖然終養有兄繼承有嗣是則廷衍之亡亦可瞑目無遺憾矣



其陽故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...

其陰故明... 其陰故明... 其陰故明... 其陰故明...





第五世沈源妻俞氏節行傳

景泰乙亥  
春三月撰

錙師邵

維陽

沈節婦俞氏者山陰石泗里俞宗之女也年十八歸會稽臯部里沈源令儀懿行見稱宗姻間沈氏素有家法時源父寶善翁雅以嚴御下其配錢氏總持內政尤有矩度內外嶄然分寸不敢違越俞承上接下無或稍愆於度人皆以爲難未幾源以鬻戶事客死京師俞年僅二十有六號慟幾不欲生朝夕侍喪次比服闋無少怠自是起居食息愈以禮自防家固殷日事女紅少或閒弗樂也初源適京一女生甫晬俞



方娠及源死閱五月而子悅乃生俞鞠育愛護度日  
如年甫踰齠卽今出就外傳雖甚鍾愛然每事訓飭  
往往嚴勝於慈悅旣長克自樹立而家亦昌大人咸  
謂俞善教所致也俞今年六十有一矣尚裁制檢束  
兢兢猶昔云於戲先民有言匹配福之原也自俞歸  
沈得賢婦矣不幸源死惟茲遺孤危乎若一髮之引  
千鈞賴俞撫保訓飭得有今日則致沈氏之福者非  
俞而誰哉易曰安節亨夫節以乘剛處險慎守不變  
爲義節而致亨惟其正焉俞氏有之矣其能致沈氏



之福也固宜予與沈氏交最稔知俞之事獨詳茲悅  
懼母行之久而弗彰也屬爲傳以垂久遠因爲具著  
顛末庶幾他日之觀風者有採焉



對之入對承其神理而昌發之草木

...

...

...

...

...

...

...

...





第五世沈節婦俞氏傳

景泰丙子  
夏四月撰  
張倬

節爲天下之大閑傳有之家人利女貞夫禮必自閨  
門始閨門之禮正則風化行而王教成之驗也會稽  
沈孺人俞氏以藐焉一女婦夫死子幼毅然以節自  
許今齒髮日就種種而其所守始終無可磷緇者如  
是噫俗之敝也久矣孰謂栢舟之詩乃一旦作於波  
流風靡之餘乎以此知秉彝之在人心亘萬世而不  
磨也明明在上報施之理無毫髮爽俞氏之節著矣  
後之人獲承其休旣熾而昌譬之草木春回氣轉芽



茨澦澦華實而蕃大也以視御世之士大夫平居以  
 節義自高及遇事變輒脂韋澳忍以喪其所守卒之  
 身名俱僨為天下笑於戲福善禍淫之機智者可以  
 懼矣

此段文字因年代久遠，墨色極淡，且多有模糊與重影，難以辨認。其內容似乎與上方正文相呼應，但具體字句無法清晰提取。



肯構沈公傳

劉宗周

翁諱恮字士誠肯構其別號也性樸厚立身行己以孝友爲先讀書務敦實行不尚文辭亦不汲汲于仕進家自始祖開拓以來至其大父寶善公父裕庵公凡五世代有聞人積德累仁家故饒裕無虞匱乏然是時猶合爨而食兄弟四人公齒居長仰事曾祖母祖父母父母孝養備至下及兄弟子姪輩無論遠近親疎豐約得宜心氣和平天倫聚順罔不歡忻悅豫古稱百忍公實過之至于分畫居處婚嫁經營窳窳



等事咸周當且家以素封出名官役戶頭充當斗級  
一事甚爲擾累翁一身擔荷早作夜思事無鉅細區  
畫精詳以故內外安帖鄉黨宗族無不稱爲長者或  
曰家國一理子才敏練如此何不爲進取計翁曰學  
優登仕斯之未信卽取科第亦覩面目且家居豈不  
足以爲政耶迨後子姓愈繁因而析居翁於諸兄弟  
中推梨讓棗僅得十二之一雖最少而素諳生財之  
道未幾產業遂厚從弟節菴公念其少孤自幼同居  
朝夕不離及長情義尤篤始終不渝德配金孺人德



性賢淑勸孝勸慈凡翁生平行事固美而孺人又贊成之翁卒于弘治丁巳年享年八十有四惟仁者壽信不謬矣翁與余居僅隔城鄉世締姻盟翁後嗣曾玄父子皆余族壻余故知之甚詳特爲立傳以垂諸後

贊曰士君子置身通顯建豐功偉績名垂不朽此由天命非可倖致卽懷仁抱義閉戶潛修藏器待時者亦不可多覩若翁則亦懷瑾握瑜不立異以鳴高不行險以炫俗平淡無竒持躬處世生平纖毫無可訾







第六世一齋府君傳

萬曆己卯  
秋七月撰

沈櫬  
曾孫

府君諱恪字克敬今封監察御史裕菴潭之次子寧國守砥菴性之兄濮州守慶山蓋之祖南京通政使司右通政梅岡之曾大父也少軒達通敏弱冠卽能承門戶事裕菴得養志丘園砥菴得專心學業府君力也雅善地理及得龍山之麓喜不自勝曰後世必有興者而其言果驗亦精風鑑如慶遠守改軒車公府君婿也其少時遂爲府君所賞識嘗與砥菴等視之其他無不中者往往類是他如明宗派以聯族屬



佐賑濟以活餓殍拓邑庠基址建郡學門戶親書碑  
記現存是皆不容湮滅者餘則載諸改軒銘中茲不  
復云

論曰王右軍陶靖節清真曠逸表表千古府君殆庶  
幾焉其孝友惠義詩文墨妙見重一時縣誌載之詳  
矣



第六世沈一齋先生墓誌銘

成化丁未  
十月撰

車份

改軒

成化二十三年七月二十九日會稽沈一齋先生卒  
享年七十有一嘗預營壽藏於縣東南二十里龍尾  
山之原先是其配陳孺人之歿也既葬而未有銘其  
子瓘等十以先生卒之十二月二十五日奉柩合葬  
焉屬份銘於乎份幼以通家子與先生諸子同學先  
生以份蚤孤而有志於學每加獎譽孺人亦愛份如  
子既長以女妻之孺人歿五年份始領鄉薦每追念  
孺人不得見輒愴焉而悲然尚幸先生之無恙也今



年春份舉進士第蒙恩歸省亟往拜先生躡履出見  
喜色津津動眉宇後天目疾發外瘍份趨省先生猶  
强起歛語如平時閱數日轉劇遂不起於乎先生已  
矣份中心之悲寧有既乎爰收淚序而銘之先生諱  
輅字克敬號一齋世爲會稽人曾祖伯英祖勤皆以  
善行聞至先生父裕菴潭而家益昌夫裕菴以子貴  
封御史妣吳氏封孺人生四子先生其仲也少通敏  
有經略年十四五卽出長其鄉三稅祇度奉公且減  
已以庇貧弱上下交譽之事父母能幹敏以得其歡



心曲折周至處兄弟甚友愛其弟御史君自選鄉試  
抵會試未嘗不與之俱及在太學十年舉進士蒞任  
中外又數往視裕菴歿未幾御史君與其弟相繼卽  
世先生極哀痛之餘然又恐以增太孺人之戚也亦  
每爲婉容以解之太孺人在堂先生必晨起問安否  
命子婦具甘旨以進或暮歸必敬問日所歷膳必侍  
側夜則必躬候寢定然後去及卒先生旦暮哭盡哀  
性好施與人以匱乏告應時周之無難色或負約折  
券不責償亦善解紛鄉隣有爭執片語折之皆悅服



謝去晚旣卜地於龍山卽其景物爲十詠日與高人  
韻客觴咏其中翛然樂也蚤歲從羅孟維學羅巖介  
慎許可獨器重先生爲盡底裏及羅之歿也先生爲  
營葬室讀書通大義不屑屑章句間星相鑿卜地理  
等術無不精到雖不顯工爲文當其意有所觸數百  
言操筆立就指事析理委曲詳盡而辭復藻采可觀  
間發詩歌思致不凡作書工行楷善題署其得意處  
往往有龍驤虎躍之勢求書者戶屢常滿孺人陳氏  
同邑處士蘊之女甫笄歸先生事裕菴君吳孺人克



蓋婦道雖勝侍當前其膳食必躬調進之處妯娌以  
和接姻族以義撫諸子均平齊一側室子如已出下  
至臧獲雖役使之而能令其知感而樂效先生雅愛  
客四方賢士大夫之至其門者館穀或累月孺人躬  
治具進無敢怠旣富饒猶紡績織紉不虛寸帛所服  
衣被雖故惡必紉濯完潔不忍棄而平居溫溫卽一  
言笑亦不妄發喜誦佛典遇朔望必齋素默禮一二  
過至老益虔卒於成化己亥三月五日享年六十有  
七葬以是年十二月某日子男五瓘輸粟助有司賑



施補散官珪邑庠生琨璧琢琢側室潘氏出也女二  
長適國子生金鳳次適份以側室張氏女出許楊未  
行孫男十一萊蘭芾艾藻芹荻蓋藝范薜孫女六長  
適章粲次許章文房餘尚幼曾孫男五楷模楠諫桓  
銘曰惟翁之臧以有譽乎其外也惟妣之良以克助  
乎其內也用以致其家之昌尚以豐其裔也曷奄其  
亾以弗永乎其世也龍山之蒼靈氣其於此萃也旣  
以同其藏又銘以昭其懿也後之人其弗壞弗傷以  
無踐乎其隧也



第六世一齋沈公像贊

楊

喬

蒼梧

氣象充然乃德之符衣冠肅然獨與道俱敦孝友固  
其性分精詩翰特其緒餘藐王侯而高尚付子孫以  
壯圖營龍山以招隱臨曲水而讌娛康壽逾乎七袞  
行誼動乎三吳噫人品出乎東老之上而風流豈右  
車之徒



聖德其高世於古也聖德其高世於古也

五德三書是也聖德其高世於古也

東漢書其高世於古也聖德其高世於古也

終若我平其高世於古也聖德其高世於古也

坐國營計世其高世於古也聖德其高世於古也

本朝長計世其高世於古也聖德其高世於古也

其高世於古也聖德其高世於古也

其高世於古也聖德其高世於古也

其高世於古也聖德其高世於古也





第六世一齋自撰壽藏賦

吾竊悲夫人之有身兮伊造化之委形寒暑之代序  
兮陰陽運而不停始嬰孩而少壯兮老冉冉其將仍  
生履屋以安居兮沒乃瘞夫黃土曾初溷夫神奇兮  
倏人化而臭腐炳聖哲之煌煌兮亦寧免乎此歎歎  
哀來日之無多兮感逝者其如斯欲東浮乎滄溟兮  
求不死之靈藥御飈車而徑往兮叱馮夸於海若嗟  
五山之無根兮懼鰲力之太弱鼓狂瀾以蕩滯兮竟  
漂流其焉托欲西登乎崑崙兮采鍾山之玉英會羣



仙於瑤池聽靈和之鳳笙王母戴勝而穴居兮垂白  
髮之鬢髻苟所處其若此兮亦何羨乎久生欲南窺  
乎衡阿兮探瀟霍之奇踪渺蒼梧之飛雲兮睇九疑  
之層峯重瞳遊而野死兮嘆二妃之未從欲北走乎  
朔方兮觀三五之遺跡披鴻濛於荒榛兮徑三河而  
奄息何鼎湖之乘龍兮藏橋山之劍鳥歷四方其若  
茲兮獨遐思而永歎或告余以靈術兮曰學仙之非  
難盜元命之玄秘兮竊生死之幽關運精氣以凝神  
兮息綿綿其若存穆清濔而杳冥兮超獨離乎氛垢



熒魄而登遐兮旁日月挾宇宙  
膈元化與爲一兮同  
天地之久長聞至妙而將從  
兮庶養性而延年逆天  
道以偷生兮終非吾心之所安  
人囿大化以生兮辟  
子命於父唯其言而莫之違  
兮又何間乎夸沮嗟夫  
子之曠達兮廓獨立而無倫  
任修短之自然兮惟委  
質於陶甄齊生死於一軌  
兮曾何有於欣戚喟鳥鳶  
與螻螻兮同彼此之無擇  
狐猶正夫首丘兮鳥哀鳴  
而擇棲繫物類之且然兮矧  
吾人之有知瞻連蜷之  
崇岡兮實靈氣之攸萃  
相形勢而揆宜兮鑿白雲而



為竈侯大期之奄及兮將吾蛻之是遺幸吾年之未  
 邁兮乘暇日以遨嬉耽泉石之清幽兮覽草木之華  
 姿日愛翫以成趣兮爰聲之而為詩

其水國無務志我州一州令會同注其規與骨自

下也無事令津識立而論命出到賦必自然心動

下者其父却其言而莫之數令又初開平谷此歌夫

故以論事不務非吾必多酒安人國夫外以生全

天以之太其間至極而難矣今無恭謝而致其誠

是而而卷之不復其以遊中寄即示外與此一念



第六世節菴公傳

會稽之沈首推臯部其先自道眎員興伯英勤凡四世俱以孝友聞于鄉邑至淮益能增修先人之德兄第三人其孟封御史君潭季源合爨而食有事淮則以身先之里中有誣以匠者淮曰此而不校何以立門戶乎卽持狀上訴其人抵服而世徒以才智稱之末也自號曰尚睦生則此蓋可知矣卒之年僅四十有二節菴者尚睦生之孤也諱恂年十八卽失怙遵父志其家貲仍惟御史君是主自此以後建宗祠置祭田立義學凡御史君得以修乎前人之業者不惟



其費聽之出入謂是節菴之能順而亦其志之能述乎父祖者素也潭舉四子而淮惟孤恂源惟孤悅及析產恂請作六股分既不允復以潭第三子爲諸生曰性者以私產予之辭曰燈油之助其義之篤於兄弟者又如此甫異居御史君以金若干授節菴曰是若父遺我者今若長慎收殖之旣數月節菴酬以東西蕩二片俾其息以爲御史君永遠祭祀之需不肯恩不忘施節菴亦足多矣配陳氏生三子璟玘琛又賀氏生一子珏徐氏生三子環琪琳後之人觀此玉樹盈庭以爲節菴慶且謂其善人有後天之報施固



不爽也豈知其調琴瑟之好而衍螽斯之衆者又別  
有道以處此詩曰刑于寡妻至于兄弟如節菴者可  
以當之矣





以當之矣

休欲以心此者曰限于寒暑至平泉余以翰藉香石  
不與思其味其味其味其味其味其味其味其味其味



第六世砥菴沈公傳

朱大器 東原

公諱性字士彛會稽人也天資穎敏過人十歲能詩  
文嘗夜讀書作祛睡魔文以自警見者奇之旣長博  
聞疆識經史諸子等書咸洞悉其義年十八補弟子  
員正統辛酉年二十有二以詩中浙江鄉試明年試  
於京不售在太學十年與少保彭時祭酒陳鑑竝見  
器於前祭酒李時勉景泰辛未登進士拜雲南道監  
察御史時天台畏齋林公鶚青神肅敏余公子俊永  
豐恭愍鍾公同皆同年友也咸以戮力王室相期許



會三邊多事詔以諸御史持節督視性聞命舉策上馬緣險以進奮不顧身邊務肅然振舉北人相戒不敢犯比還見畿內多降寇懲西晉事欲南徙之遂上疏曰臣聞戎翟豺狼難以義服若不早嚴其出入防其守令徙置要害之地則蜂攢蟻集易怨易變今者開口待哺使之仰給縣官然少不贍給輒已相聚爲盜跡其所爲誠有不可以久處焉者頃者北有風塵之警而此曹跳踉騰笑互相和應因之而叛去者不可勝紀若是者何也蓋其驕橫之性久伏而不得遂



不義之心久蓄而無所發一有釁隙可乘則反覆無  
忌勢所必至者矣爲今計者莫若及彼運方厄之秋  
及今而急爲消弭之術往者福建弗靖官爲徵發其  
衆以會擊之矣適今貴州未平以破諸蠻爲名臣愚  
以爲此曹正可使也蓋其性輕生貪得冀有軍功有  
鹵獲且復得齒於中國彼將樂以自效則我因其弓  
馬之良用之以制彼烏合之衆如此則驕橫之性皆  
可馴而爲武不義之心皆可變而爲忠事平之後有  
官者隨例給俸使就所在衛所寄駐無官者亦隨地



安插既得弭目前奸猾之患復可免日後意外之虞  
矣天子下其議會貴州無事南征已罷兵遂不果  
一日郊行一蛇當道而先已近里倏馳入不見公命  
察之於池底得故屍焉及被訊蓋居民殺其讐以覆  
掩也遂抵罪其摘伏之神類如此在朝數言事引正  
大義侃侃難犯左都御史蕭維楨深依重焉景廟不  
豫徐有貞潛謀復辟有從桓義乎從糾義乎之語公  
曰從桓義耳從糾不義而公不知也時有貞將釋憾  
於蕭因謂公曰此語毋泄他日蕭公之位卽君位也



公佯許諾而具以實告由是蕭得預爲身計而免於  
難有貞聞而啣之英宗復位有貞超拜武功伯遂出  
蕭維貞爲南京刑部尚書而公始不安矣初景泰政  
尚舛息至是將盡反之公上疏陳六事其一曰保天  
命二曰固人心三曰停末務四曰減冗員五曰擇守  
令六曰汰僧道多見採納卒以不合有貞意左遷寧  
國府知府旣下車卽剔蠹興利賦役節省郡人苦白  
土之擾破產者十九公白去之寧國科第乏人公擇  
英敏者給以資養政暇則親爲開諭自是科第甲於



江南在郡八年民用和富訟獄衰息郡人仰之爲立  
遺愛祠而致祀焉巡撫劉公孜旌殊其政吏部嘗兩  
薦爲藩司居頃之以父憂去郡夕則宿之墓所旦則  
依戀母之膝下及弟病歸一夜十起少間輒喜以白  
慰其母弟卒公亦尋卒所著文辭麗蔚炳琅天下士  
大夫咸推重之但不喜存稿多致散失於橋門小稿  
明詩選粹僅存萬一云祭酒邢公遜所撰墓誌銘山  
陰隱士吳公源所撰先達傳及郡守黎公晨所撰寧  
國誌詳矣



第六世砥菴府君遺愛祠記

嘉靖丙辰夏四月撰

沈

橋

曾孫

橋自束髮侍我大父玉菴府君膝下聞我曾大父砥菴府君守寧國之德政甚悉因退而念曰曾大父之守寧國若是其遺風善政意今必有存焉者顧安得一遊其地而訪求之耶砥菴守寧國多德政郡人思之爲塑像於遺愛祠而致祀焉及壯遊京師見太守黎公晨所撰寧國志載曾大父德政與我大父所稱述者無異旣又竊自喜曰曾大父去今且百年而廟食以崇其報焉志詳之矣顧吾今日亦安得一遊其



地而拜遺像于祠下乎嘉靖庚戌余以刑部郎中出  
守蜀之順慶便道歸省及之任我父秀菴翁命橋出  
寧國其辭意正與余昔日之願遊其地者同余於是  
欣然就道自烏程而四安而廣德抵於寧國時貳守  
仰峯周公鳳岐館予於府治東之公所鄉大夫南坡  
魏公景星年八十有一矣以刑部郎中致政家居率  
其子國子生世鏊孫庠生江淮來顧謂予曰我先君  
遊于令先大夫之門迄今而父子祖孫受詩書之澤  
令先大夫之遺也乃下拜庠生俞子祿偕其儕輩某



某求見余出迎之遂下拜曰寧國人才正統間尚未  
之盛自令先大夫來振興文教至於今日遂使科第  
甲於江南得見君如見令先大夫矣敢不拜者民周  
某等計數百十人歛門請曰沈郡守之德政如窆白  
土一事破產者十九賴沈而得免之民到於今受其  
賜今子大夫來得非沈郡守之復作乎遂一見之亦  
下拜左右聚觀如市明日遂設奠於遺愛祠中而致  
祭焉余旣行仰峯及南坡與偕又得兩學師命其諸  
生咸爲助祭時俎豆豐潔盥獻雍容曾大父之位乎



上者橋視之洋洋如在而曾大父之對乎橋者橋視  
之亦真若欣欣其有喜色也既畢仰峯宴予於正心  
樓南坡在坐其二君知予官順慶及竟席舉以曾大  
父爲余規無何余辭去自是守順慶凡六載決一獄  
焉則曰得無偏聽任情以戕吾民之命歟徵一賦焉  
則曰得無苛斂橫征以噬吾民之財歟興一役焉則  
曰得無作無益害有益以形吾民之力歟惴惴兢守  
惟恐重有玷於曾大父是懼嘉靖丙辰余承命轉官  
廣右復取道寧國時太守東原朱公大器貳守亭峰



虞公俊命匠修治遺愛祠工將訖因相謂曰沈君性者順慶守沈君橋之祖也其德政俱章章郡國祖孫繼美盍于是祠而竝記之未幾而予適至東原與予同官刑部亭峰與余同年會試皆素相善者得余至益喜甚次日余復祭于祠中東原亭峰俱在因謂予曰是祠也不可以無記子之守順慶也善矣是誠足以記此者盍書之以昭一家之慶予謝不敏於是二君延予宴於疊嶂樓疊嶂樓者晉時謝眺之所建也在郡治之後余曾大父曾重葺之二君復執爵而前



皇朝詩林詩  
卷六  
三六

曰令先大人得守是郡而子復以守過之難矣是祠  
之記子固不敢以令先大夫自擬獨不相感於此日  
之遊乎遊而不書則無以志今昔之感子其爲我書  
之橋聞命唯唯遂退而爲之記

益壽其外日者自祭平賦中東學京新樓南道觀衆  
四百餘階高無遺余聞非會想皆幸博益市而公利  
外天益于長師而世出  
亦那與中水母辭少賦惠其臨刻其爲意極難味  
與公外命到第第幾幾歸工張高四林地日



第六世枕流公傳

車份

公諱恢號枕流勅封御史裕菴公之子也裕菴公生四子長恮仲恪叔性季卽公也居心恬淡不慕榮利而瀟灑出塵之姿與休戚同民之意若並行而不悖則公乃布衣之經濟也兄性砥菴公任雲南道號衆母有政聲公當正統間國家多事催科星速之秋惻然爲念曰民力幾何其堪此悉索也乃獨發已貲相墊解有司聞公高義邀與共事賜杖一對俾得便宜督催公詣鄉則招集父老諭以尊親大義衆莫不悅




其不能完納者公槩爲之免多膂力不畏強禦有一山村素屬頑抗公至先拔巨竹威之衆視愕然及聞公名無不輸將恐後其聲望之隆又如此事親及諸兄孝友並著而于砥菴公尤相親愛公距砥菴僅二歲諸昆中惟二公最少故情亦最洽雖析居異岫猶架水爲閣時聚首焉至平居則寬衣大袖焚香危坐或閱經史或咏詩歌並怡然有自得之致勸之仕不應曰吾天倫中自有真樂也故自號曰枕流以寄意云君子是以爲公難之古之稱隱者如箕山潁水尚



已然皆肥遯自甘不顧世事至有借終南爲捷徑者  
則又求富貴而不得故矯語貧賤爾孰若公以簪纓  
望族列世通顯而能怡情悅性自養林泉至有事又  
未嘗不出而急公家之義古云大隱隱朝市公殆其  
人與配劉氏安人生二子璨珍皆七品官一女適邑  
人章槩官御史云





Faint, illegible vertical text columns, possibly bleed-through from the reverse side of the page.



第六世孝女惠娟傳

以惠娟而得附祭於父且得附祭于弟則如北宮之女嬰兒子之爲人洵可知矣嬰兒子徹其瑱環至老不嫁以養父母趙威后稱其率民而出於孝者惠娟以父死弟幼患失母歡於是誓不適人求以終養至今傳之而視其附祭有良然者不然以未嫁之女而附而祭之亦烏能相承而至今日哉弟節菴諱恂惠娟之所附祭者也譜稱其次曰慤曰傲姊曰惠娟皆先卒雖然惠娟果蚤夭曷附祭旣祔祭則所謂曰慤




皇朝詩林詩  
卷六  
三

曰懣者亦猶夫姊也而易獨否又惠娟墓在節菴之  
左而曰慙曰懣則并不可考如此則惠娟之誓不適  
人而求以終養者蓋無疑矣譜作於正統丙辰蓋丙  
辰之先三人已亡是以謂之先卒也曰慙曰懣之蚤  
殤固不可知而惠娟卒時其年亦斷斷二十有餘矣  
惠娟年未及老其志有足採假令天假之年吾知其  
行必有如是焉者今之附祭用以識惠娟之德之不  
可忘也嬰兒子而復生吾知其慶同謂矣嗟夫今之  
爲女者未笄而輒思適人其狠若盜不顧父母之養



以彼視此其相去詎不甚遠乎哉





...

...

...

...


...

...

...

...

...





第七世一門慈節孝傳

嘉靖甲子春  
三月望日撰

沈橋

我伯大父配徐孺人大理卿諱初之孫國子博士諱  
光大之女也其側室亦曰徐錢塘士族女也伯大父  
諱瑋字文元號木齋年五十餘孺人惟子夔字德卿  
是爲橋從伯徐生子著字德昭是爲橋從叔孺人視  
徐爲妹徐視孺人爲姊閨門和好人以爲樛木螽斯  
之化云無何德卿卒而木齋亦繼卒時孺人年四十  
有八徐年二十有二熒熒處守所恃以爲終身計者  
厥惟德昭而德昭生甫歲餘於是孺人告徐曰夫子



皇朝詩林詩  
卷六  
四一

亡矣今若在猶夫子也能善視之乎吾與汝俱徐曰  
夫死從子婦道也妾雖卑敢自異乎當之矣以之孺  
人與徐日惟德昭是撫未嘗跬步出門外德昭日侍  
左右孺人每訓誡諄諄舉以危言策之德昭承命謹  
凜不敢恃愛而驕夫是故徐甚安焉及壯則授之以  
室白木齋卒後孺人雖甚戚每見德昭則喜形於色  
或暮歸輒倚門而望勸之先寢弗就也有疾則鑿禱  
百出鬱鬱不能釋德昭事孺人膳必擇所嗜者以進  
意所欲爲必竭力致之每夜必俟寢定乃退曙卽停



立榻前遇壽日必盛筵張樂以娛之及卒哀毀幾不  
能生徐歸木齋方二載木齋卽世徐以苦節自誓歷  
五十餘年玉潔冰清直如一日視古之剪髮斷臂者  
豈不更從容中道乎而至於徐之撫孤及德昭之善  
事其所生更不必言矣故予於孺人有以觀慈焉於  
徐有以觀節焉於德昭有以觀孝焉夫慈節孝天下  
之淑行也以三者而萃於一門天下之盛事也橋親  
見之而顧使之泯滅無傳已耶有美而弗彰罪將安  
歸橋於是乎作慈節孝傳



觀世音菩薩摩訶薩...

以念而應之...

念此音此以三善而奉其...

念此音此以三善而奉其...


其其無坐更不...

受不更我容中...

正十餘年正...

誦坐念觀木...

五階前觀壽日...





第七世桂軒府君傳

萬曆乙亥六月八日撰

沈 櫬

府君諱琨字文貞行五櫬之大父也明敏博達志行不羣古今藝文過誦不忘於漢唐史尤精熟嘗枕席間能口授人不訛一字王大父一齋善題署大父道勁端楷尤能得其精妙名重鄉國自幼習舉子業年十六輒見賞於有司弱冠隨叔砥菴之寧國爲術者所沮不卒業及歸砥菴以二親養授俸金八十兩命以持獻貯以篋而不封識旣反大父不一啓視旣而先君領鄉薦喜曰砥菴發科而來今及於某吾志其



少慰矣乎嘗謂槐曰家廟東地可樹牌坊第不可遽  
得奈何嘉靖丙戌歲會先君以俸金三十兩歸爲奉  
養資時其地欲售大父乃卽其金買之於是喜溢眉  
宇其地蓋從兄梁出也事父母極孝謹無不至兄弟  
友愛逮老彌篤恩周姻族鄉鄰而波及傭僕結婚必  
擇門第不如是雖固強不屑也堂兄楠在杭聞其不  
恤身家輒遺書戒之有欲不可縱樂不可極之句比  
屬纊他無所言惟曰生寄也死歸也其委順有如此  
者



論曰先儒有言曰天之報施善人也不惟富貴惟其  
賢魁祖自封御史君以來積德不爲不久其間處爲  
良士出爲賢大夫者不少至我先大父又能培之於  
是先君歷府倅州正兩膺剡薦爲賢州牧弟束居諫  
垣劾權奸繫獄十有八年爲名給諫其亦不媿於列  
祖不愧於大父者矣愧今老壯窮堅而子姪輩正駸  
駸未艾則大父之獲報其烏可量哉



...

...

...

...

...

...

...

...

...





第七世吳孺人行狀

桂軒正德己卯仲  
公配冬四日撰

沈 璽

先妣吳氏以勤儉相家君能持大義事有不合時宜者輒勸止之其於祭祀賓客必親治具備極豐潔祖一齋府君歸其仲女於慶遠知府車份必命祖妣陳孺人與之計陳孺人卒執喪尤謹獨出私奩以助喪事一齋府君卒兄弟妯娌間尤能喻以大義厥後家遭回祿先妣與不肖輩甘澹泊者二十餘年命諸婦以婦道課子孫以讀書一遵先世遺命及援引古人語以爲勸戒正德歲丁卯不肖領鄉薦客賀先妣妣



吾祖宗積德百有餘年一徵於從舅寧國府君今  
於吾子再徵祖宗之賜也吾何有焉其謙恭厚重有  
如此先世舊有宗祠久而傾圮先妣命重葺之及落  
成喜曰吾祖宗之靈得有所依矣族人有不協者必  
解止之或不聽反必曰悔不聽太孺人之言蓋和隣  
睦族敬上愛下婦道母儀悉足爲人師法者先妣膺  
疾七日而卒卒之先五日尚梳洗如平時躬修蘋藻  
以薦新先二日猶強起沐浴卒之日歛衽整容拱手  
而逝實正德十三年七月十三日也距生正統三年



七月二十三日享年七十有九子男五長藻次芹次  
荻次卽不肖次藝女一適同邑封太僕卿章公之孫  
棨孫男十四長楠次諫棨楫果棨楊桐栢東柬孫  
女十曾孫男三統紹繻嗚呼不肖哀子旣不能盡褒  
崇之禮於存日死不能亟圖後事罪將焉追將以已  
卯季冬十二月二十四日營葬於會稽龍山祖妣墓  
側惟礦中石未有刻辭用家君命銜哀具述先妣凡  
行梗槩伏乞當代立言君子采擇而葬之銘文用垂  
不朽存歿不勝哀感之至



御製詩林卷六

御製詩林卷六

御製詩林卷六

御製詩林卷六

御製詩林卷六

御製詩林卷六

御製詩林卷六

御製詩林卷六

御製詩林卷六





第七世桂軒沈處士墓誌銘

蔡宗堯

山陰

處士諱琨字文貞世爲會稽人曾祖諱勤祖諱潭以子性貴封御史父諱恪號一齋母陳氏一齋古雅曠達能詩文尤善大書年未七十卽營壙龍尾山中時會士友浮觴曲水對景賦詩陶然置生歿於度外也龍山十詠至今咸傳頌之謂有唐司空氏之遺風處士幼嫻家訓性寬厚敦尚詩禮沈氏子姓書法類有祖意獨處士大書尤得一齋三昧事父母惴惴小心唯唯恭慎奉養之具咸極其至比終哀毀踰節竭力



襄事處兄弟由由如也教子孫惇惇如也伯兄瓘卒  
凶器弗豫卽輟已柩殯之處士時年八十有七矣其  
真情至義逮老彌篤如此嘗訓子弟隨器造成宜耕  
者耕宜讀者讀靡有失也謂季子蓋曰爾質宜讀書  
應獨勉力以述先人洎蓋領鄉書歷任府倅州正每  
貽書舉古賢守令俾企法焉嘉靖庚寅五月十四日  
卒年八十有九遺命諸子曰龍山之傍吾生事先君  
於斯吾葬吾室於斯我死盍往歸焉此地叢桂團陰  
天香馥馥尤吾性所樂也子姓遵其命卜以是年十



二月四日啓竈而合瘞之子男五藻芹荻蓋藝女一  
適同邑太僕卿之孫章棨孫男十六楠木棨楫諫果  
榮楊桐栢東東柔束巢香孫女十其適人者七餘尚  
幼曾孫四統紹繻雲毓其子蓋持狀請銘蓋於宗亮  
爲年契則桂軒丈人行也義合有銘  
銘曰厥考善啓厥子善繼我揆無憂曰惟處士子子  
孫孫用繩厥志龍岡蜿蜒不顯亦世



皇音流比詩  
 卷六  
 四

皇音流比詩  
 卷六  
 四





第七世毅齋府君傳

崇禎癸未撰

沈

煥

七世孫

府君諱璟字文瑩節菴府君之嫡長子守約府君之

父也明敏篤學下筆超羣就業泮宮同輩遜爲莫及

恒犖犖自負視科第如手中物篋如也著有經書等

解行世成化癸卯得首薦主司以字誤落之而一時

之登高榜者多出府君門下於是頽然自廢曰天實

爲之謂之何哉抑鬱得疾踰歲而卒

贊曰波斯之眼亦如發謎養由之才實等射覆巧者

落拙者售犢賣璧還珠遺劍按千古同慨而乃感憤



一 訣喪厥後圖悲夫

賢曰喪也本也本也

之之謂之也

之之謂之也


之之謂之也

之之謂之也

之之謂之也

之之謂之也

之之謂之也





第七世沈翁山庄公傳 嘉興張禧拜撰

沈翁諱璨字文韜別號山庄爲於越望族世傳詩禮  
陶君諧乃翁之東床位立清要余叨屬年誼得聞公  
之素履心甚慕之弘治己未春翁自越到京時陶君  
邀同郡之謝公遷孫公清錫山之呂君元夫宣城之  
王君蓋等暨余爲翁做洗塵觴而得晤焉觀翁之儀  
容丰度與編戶殊固有令人灑然歉容如臨師保何  
厚幸歟至壬戌之秋公在越值六十壽士大夫多遙  
寄詩歌爲霞觴之佐余亦以詩祝之嗚呼盛德感人



遠近慕之有如此者今年秋陶君聞翁訃命余爲翁  
傳余不覺爲之悼轉自愧不能文而重違其意爰述  
昔所聚晤者而爲之傳卽可以知翁之槩且有以窺  
翁之深矣至翁之言行皆可法則有王公華已詳述  
于序中茲不復



第七世沈氏山庄公雙壽詩序

會稽爲越中山水佳處澄波秀巘喬林畫舫自昔人  
推許繁過故士生其間多儁顯可念而風景因人往  
往率成勝高尚之士情與景會至以絕世忘年自余  
及見者有山庄沈處士焉處士名璨字文韜今年壽  
躋六十賢配胡孺人來歲亦與之齊壽且能以賓客  
之敬愛相與周旋而終以偕老此又出於難致者也  
夫世之人患不相值自昔已然雖衽席之間而恒落  
落不可強同孔孟號絕世聖賢然猶有歉於此至不



免于間斥而天下之事如易安之輩者何可勝數故  
君子尤難于兼濟處士能以讀書仗義了世業過眼  
萬慮俱速于忘隱逸之致抗塵絕俗孺人生長大家  
斥謝紈綺而平生蠶鹽裙布若出素懷一室半畝相  
與時花卉植竹蓄魚縉紳過從率有良歛盤殮盃酒  
足以免處士內顧之思以至于二子成立將以儒業  
振家聲諸孫岐嶷彬彬在膝下謂其倖而致今日之  
壽不可也夫壽以享福雖人人共知而僥倖以苟獲  
者亦罔焉而已然則處士之與孺人所以致今日之



壽者其賢不肖與天之所以福與否當必有能辨之者矣黃門陶世和爲處士女丈夫夙話處士深愛嘗爲余言曰會稽之沈其閎閱著於鄉邦獨妻母之族爲能相稱而孺人之賢又不失其世壽齊六秩雖復隔歲爲期而白髮並康子姓滿堂下稱觴再拜竊有志焉而縻於一官幸士大夫之能言者旣引斯意爲詩歌且盈卷矣於先生何如余曰郡人也盍爲子序之


弘治壬戌歲秋九月之吉



賜進士及第翰林院學士奉議大夫兼修

國史經筵

日講文華殿講讀官餘姚王華叙





賀

第七世山庄公六十榮壽詩

高堂旭日照瓊筵具慶初週甲子年華髮身強冠帶  
好青雲門舊子孫賢蘭亭觴咏人來集蓬島烟霞地  
接連甥館多情瞻望切鶴飛遙祝寄華篇

餘姚謝遷

山莊堂上兩白髮綠竹蕭蕭萱草齊竹葉酒酣朱頰  
在萱花紅吐夕陽遲隔年莠種聯春色百歲筵開協  
壯期況有門楣照蘭玉五雲深處薦斑衣

餘姚孫清

會稽佳致屬山庄白髮齊眉咲一堂南極有星明徹



皇音沙  
卷一  
三  
夜西池開宴樂無疆一週甲子風光好千載岡陵日

月長更愛館甥青鎖客遠將歌頌托秋翔

錫山呂元天

南極媠芒五夜流須知海屋再添籌蟠桃並熟三千

歲甲子同週六十秋掩映年華堯日下聯篇春意越

山頭芝蘭滿眼供雙慶何必區區羨五侯

餘姚謝迪

宜室宜家六十春看看花甲各更新乾坤子丑連開

運金木東西兩屬神海屋無垠籌謬積山莊有慶主

常親瑤池宴上珠璣燦爲有東牀玉潤人

宣城王蓋

卜築林泉任養真又看花甲一番新烟霞縹緲唵邊



趣杖屨逍遙物外身白髮多情同此室青霄無夢到

巖宸 五雲深處乘龍客願祝遐齡幾百春

嘉興張禧

堂上雙雙兩鬢蒼壽筵初啓瑞雲香靈椿根與乾坤  
老萱草花涵雨露長果熟蟠桃多歲月籌添海屋幾  
滄桑持杯歌罷南山什南極輝輝夜吐光


章繁

如瑟如琴鬢頭絲風流賢德總吾師百年花甲重週  
日隔歲華筵再啓時盤摘葡萄呈顆顆座圍黃菊照  
離離塵門花煖朋簪合萊綵風輕舞袖遲丹桂坐看  
飄月窟紫泥行見下天墀乘龍女壻深慙我百拜題



詩侑壽卮

堦陶諧






第七世義齋公傳

車份

公諱珍字文獻義齋其號也爲枕流公次子幼穎異長倜儻爲鄉里所重生平嘗慕陶靖節爲人性嗜逸視富貴若浮雲曾授職文林郎晦跡不仕惟以花木棊書爲樂處家庭以孝友聞至於宗黨親故靡不周恤則其高尚之節旣足以風世而德行之純尤足以服人也公元配鄭氏繼配羅氏俱賢淑生四子長萼爲王府引禮舍人次葩爲定州判官幼翹爲義官俱以仕宦顯惟三子萃不仕奉養極孝非公之積德于



前而克昌厥後烏能至此爰表其大概以誌不朽



Faint, illegible text visible through the paper, likely bleed-through from the reverse side of the page.

車



第七世玉菴府君銘狀

嘉靖癸亥十一月二十日撰

沈

橋

曾孫

橋大父合窆於會稽橫山之五年時爲嘉靖庚子橋  
計偕之京師家君命曰我父母墓木幾拱矣汝盍請  
銘於立言大儒以爲我父母地下光乎橋承命明年  
登進士未幾以丁母憂還遂違命迄今而未之果橋  
不孝之罪殆不容逭矣伏惟明公當今大儒也橋幸  
叨知貴郡且得獲交於門下則銘有所托謹撰次大  
父之梗槩以請大父諱璞字文蘊號玉菴世爲浙之  
會稽人高祖諱伯英號樂靜曾祖諱勤號寶善俱隱



德弗耀祖諱潭號裕菴封御史建宗祠立義學修復  
禹祠行諡蔚然父諱性號砥菴舉景泰辛未進士爲  
御史立朝侃侃與天台畏齋林公鶚齊名忤權貴出  
知寧國在郡八年多德政郡人立遺愛祠以祀之母  
金氏封孺人大父於次居第三自幼忠信沉毅一言  
笑不妄發砥菴翁每鍾愛之時山西提學同邑胡公  
謚學行爲海內所宗砥菴翁命大父受業焉胡公長  
女諱嫺在室博學能文章胡公亦鍾愛之而難其配  
及見大父曰此忠信士也遂從而許聘焉是爲橋之



大母大父日夜淬勵惟恐有負父師之訓是懼五經  
諸子無不徧覽深究特不喜爲舉子業有勸之者輒  
曰讀書貴力行耳亦奚事組織爲金紫計哉成化丁  
亥砥菴翁以丁憂還卒於家大父時尚未冠哀毀幾  
不能生服闋大父館於胡公之貳室

與大母相

對如賓遂懷妊卽橋之家君也成化甲午朝廷以明  
經徵士郡邑以大父薦旣而授山西靈丘王府教授  
及之任凡有所建明率多稱旨時分封旣久禮儀日  
就褻狎一日侍宴有起爲歌舞以邀媚者大父正色



日董生相江都恐不若是也衆起謝嗣是左右日肅  
殿下益禮重焉越歲延大父於明德堂出世子以就  
學焉大父益加祇慎以講明道義爲已任不敢忽未  
幾金孺人卒於家大父聞訃解官上道殿下製奠文  
輓章以賜抵家大母親爲祭姑文以哭之時錙半齋  
師邵吾越文人也見之稱爲非名士所能及比終喪  
殿下仍留缺以待往往手書招致以風木爲恨辭不  
赴事父母極孝及旣卒祭祀必誠敬墓祭恒哽咽垂  
涕遇時物必躬薦之否則未嘗一入口承先人之志



緩急豐儉無不各適其宜取與律以道義雖一介不  
苟日課橋輩讀書輒云讀書務在立志每督責恒舉  
砥菴翁以爲法子姪有弗納於禮者以正色諭之不  
加叱責尊卑斬然而和氣每勝於能嚴自二十七歲  
喪母後絕意仕進居家凡六十年非公事未嘗一入  
城府晚年偕侍御婁公芳郎中汪公鎡副使鈕公清  
郡守陸公寧車公份卽橋妻大父也蓋十有八人倣  
古人耆英會日以詩酒自娛焉以嘉靖甲午正月二  
十五日酉時無疾而卒異香滿室竟日始散距生正



統巳巳十月二十日享年八十有六娶大母胡氏生  
家君諱龍方十一歲而卒繼娶大母毛氏生叔父諱  
虢承伯大父素菴諱琰祀孫男六長卽橋次楨次梓  
國子生次榜次根庠生次祝孫女三長適山陰周淳  
次適車公份之孫庠生孟中次適宜黃陶公謚季子  
國子生師韓曾孫男十一人長雲翰次雲獅俱庠生  
雲同雲錦雲山庠生雲昇庠生雲霖雲會庠生雲章  
雲卿雲孫曾孫女五長適御史朱君虢仲子以良次  
適御史張君洽仲子悱次適山陰北海橋韓稽次適



同邑小江侍郎董公復曾孫祖易次許聘山陰府山  
後韓穀元孫五應順應慶應誥餘尚幼大母胡孺人  
初附於曾大父砥菴翁墓側胡公謚曾有銘以誌之  
矣前癸巳歲繼大母毛孺人卒大父命家君改葬胡  
孺人於橫山之原及大父卒之明年正月初五之吉  
家君乃舉大父之柩啓壙而合窆焉伏念橋律巳爲  
官弗克敬承遺訓以光揚先德顧橋日侍大父膝下  
幾四十年所得於仰窺默識者甚詳且盡斷不敢有  
一字之浮於實也奉家君命請銘已遲慢矣今幸賜



之以辭俾獲追納於壙則橋父子不勝感激之至謹

狀聞十平... 狀聞十平... 狀聞十平...

... 狀聞十平... 狀聞十平...

... 狀聞十平... 狀聞十平...


... 狀聞十平... 狀聞十平...

... 狀聞十平... 狀聞十平...

... 狀聞十平... 狀聞十平...

... 狀聞十平... 狀聞十平...

... 狀聞十平... 狀聞十平...





沈母胡孺人傳

劉宗周

肯構沈公生三子曰璐曰球曰璉璉號誠齋配胡氏  
生一子蒙娶妾張氏無出蒙幼多疾難望成立一日  
出痘甚惡氣已絕人有利其家業者方以爲幸胡抱  
蒙寘膝上哭不止忽有丐婦見曰此火瘡也置諸冷  
地可活攤席試之須臾果甦丐婦不知所往人以是  
知誠齋後嗣之必昌也蒙於痘痊之後胡與張極力  
調治諸疾皆去且強健而又保護甚謹受侮亦少迨  
後有姪承祖父之名充斗級誣以侵欺問戍誠齋謂



胡曰此不可以坐視若非赴京訴部事難追也胡曰  
姪猶子也且承先人之名辱及其親宜急去勿遲誠  
齋于是偕姪詣京其罪始雪將歸姪因他事逗留誠  
齋偕伴先行囑姪事畢赶上不意中途誠齋病發而  
歿同伴代爲殯殮及姪到而柩已寄于臨青寺矣訃  
至家胡悲不自勝命子蒙往接柩歸胡大慟久之曰  
夫子客死他鄉未曾親殮難別真贗時值寒冬遂啓  
棺審視面貌服色而後改棺安葬其詳慎有如此者  
誠齋既歿衆議分居維時外宅二所距祖屋皆半里



許議令得外鬪者益田予之胡曰我寡寧捨多而得  
舊址衆從之乃與妾張共寢處情好較昔尤篤張亦  
素勤儉朝夕習女紅蓄積置產胡因名之曰織田並  
誠子蒙勿涉他事專志經書蒙遂學問優通既而爲  
之娶鄭氏女嘗曰婦甚賢最當吾意余甚喜之隨囑  
其治家寬嚴相濟教子若孫動循禮法鄭敬聽勿怠  
厥後蒙拔貢教清平縣學諸孫繩繩繼武咸登仕籍  
子姓繁衍家道寢昌向之利其家業者愧悔無地而  
胡均弗之計也享年八十有七而卒



...

...

...

...


...

...

...

...

...





第八世守約府君傳

府君少敏達多機智遇事輒能先人倉皇急遽中衆盡役役逐逐而府君獨得其大體利害固弗恤也家素豐其先世之主若像固奉於家者也一日家失火衆奔趨財物府君於颺燄中獨躬迎主像而出他不暇及當是時人幾笑其拙而所爲則已過人遠矣以火故於諸兄弟中唯府君爲獨貧他日葬父毅齋公其伯兄擬以吉地自取而移其父葬之旁側府君竊從麥隴中聞而止之不可得旣而曰先亾者葬此其



意蓋仍在乎已也既已無可奈何遂承命而退詎意  
人謀難恃天命靡常府君年少於兄而其地應歸之  
府君而其卒也則反先乎兄矣嗣今子孫昌熾向之  
貧者轉而爲富吉地之徵於此果驗則伯兄之爲已  
謀者適以爲府君謀此以見謀之無益或者天其相  
吉人而陰授之於以示急其祖父而不急其身者之  
獲報不及其身及其後乎



第八世秀菴府君行狀

嘉靖壬戌撰

沈

橋

先君諱龍字德秀別號秀菴世家浙之會稽曾祖封  
御史裕菴諱潭祖寧國守砥菴諱性父靈丘王府教  
授玉菴諱璞玉菴忠信沉毅爲廣東大叅漸齋胡公  
謚所器重以長女諱嬾許之是爲先君之母胡孺人  
博學能文章成化庚寅漸齋館玉菴於貳室旣懷妊  
孺人起居言動悉遵內則辛卯十一月二十日生先  
君於甥舍先君資性穎慧氣質端凝方數歲能日記  
數千言經久不忘終日危坐未嘗妄發言笑漸齋喜



曰吾兒有胎教生兒自不凡也少長爲文甚有思致  
儕輩咸推遜焉時鄱陽訓導順德章公諱材女諱閨  
瑗在室順德每擇配而難其人及見先君曰此誠佳  
壻也遂歸之甫壯遊郡庠爲督學石谷吳公伯通半  
江趙公寬所獎擢隨廩食識者無不以科第許之以  
數奇屢試輒蹶亦逮貢矣爲讒者所沮而先君處之  
獨怡然也橋讀易必親爲講寃至天人性命處必於  
其肯綮語之每夜至更深方許就寢雖過瘁弗恤也  
嘗曰我老矣不可爲也汝勵志無患前程之不遠不



然者汝負汝生揖亦汝負汝父矣辛丑橋舉禮闈先  
君遺書戒曰做好官以報效朝廷此其時也汝勉之  
吾在庠二十餘年受作養弗克報效汝讀書思做好  
官此其時也汝勉之已而橋受刑部陝西司主事又  
命橋曰獄者天下之大命也理之者非格致誠正不  
可格致則明明則其情斯可得誠正則公公則其法  
乃不枉不然箠楚之下何求而弗獲吾恐天下多寃  
民矣語甚激切壬寅橋丁先妣憂還家甲辰冬服闋  
擬北上奉先君與往不許橋抵京補廣西司主事復



刑部適廟建單恩封先君如橋官妣贈安人拜命於  
家每以盡忠王室作書馳諭凡六載庚戌承命出守  
路之順慶便道歸省先君曰郡守關係民生休戚節  
用愛人尚矣我大父之血食寧國職是道也已而橋  
辭行先君且命橋出寧國以取法曾大父之遺政橋  
承命往旣抵蜀臨事輒敬思嚴命兢兢持之不敢忽  
壬子膺當道旌舉次年入覲畢復歸省依棲膝下者  
閱月先君促裝令往且以善保其終而弗爲知已羞  
者示戒橋遂行踰三載橋復由順慶入覲及考績蒙



誥封先君順慶府知府妣贈恭人丙辰夏四月橋捧  
誥歸省時先君已臥病踰月矣旣見橋首問聖體何  
如畢復命橋曰汝昔鄉舉之牌坊銀我欲移以修宗  
祠而未之果而君貺終不可以泯也今盍圖之橋曰  
唯唯旣聞命遂進告曰蒙聖恩今封我父以中憲大  
夫贈我母以恭人矣誥具在先君曰予病不能強起  
以拜聖恩罪也俟少可當沐浴以謝雖然則汝之感  
激當自此而益深也於是侍湯藥朝夕不離方八日  
不幸橋逆深重先君竟奄忽而逝矣嗚呼痛哉按先



君甫十一歲而胡孺人遂棄世玉菴翁治家嚴正有  
法繼大母毛孺人性專毅先君承事唯謹不辭艱苦  
二親或爲讒言所中至怫怒雖撻責亦必拱俛色解  
而退甚有人不堪以處者已甘受之而且獨以之自  
責如此者五十餘年柳州貳守陶師文寒門甥也嘗  
曰母舅孝行堪與孔門閔子竝稱則先君之事父母  
者蓋可知矣始祖墳墓迷失特修復之宗族兄弟有  
不足者必多方周給之或力不能葬者助其資財以  
殯之人或加之以橫逆受之不校交友則久於敬而



其始則必慎所擇取予惟道義自我有不合者卽一  
介亦不苟也自橋入仕途未嘗一詣郡邑或有司從  
而訪之恒謝不知有干以私者必峻絕之夫是以鄉  
里守法而不敢依藉以爲非泉州郡守南泉葉公信  
先君同筆硯友也嘗稱道弗置禮科給事東之兄東  
先君再從姪也嘗作詩歌以頌揚之橋不肖弗克奉  
守庭訓以報聖朝於萬一負罪多矣而先君生平之  
行實橋不忍忘敢序次其梗槩如右先君卒於嘉靖  
丙辰四月二十九日享年八十有六先妣章恭人先



十五年卒子二長卽不肖橋任貴州布政使司右叅  
議次梓國子生女二長適山陰周淳次適同邑郡庠  
生車孟中孫男三雲翰雲獅雲霖俱庠生孫女四長  
適江西道御史思齋朱君麋次子庠生以良次適江  
西道御史松溪張君洽次子庠生悌次適封吏部侍  
郎顧菴董君復曾孫祖易次許聘某縣二尹山陰韓  
君某子稽曾孫五應順應慶應誥餘幼曾孫女二長  
適山西按察司副使同野陶君某次子庠生某次許  
聘太學生仰松張君博之子某卽松溪孫也橋於是




年八月某日卜築先君於上風山新阡嗚呼橋籬蔚  
十有六年老父在堂弗克一日迎養及就窆餘五年  
而墓中之石又尚虛而弗具不孝之罪雖碎骨難贖  
矣伏惟明公當今碩儒幸賜採擇而畀之誌銘使得  
勒石以追納於壙則先君之懿言淑行終得表見於  
世而不孝之罪容亦可以少追矣不肖男沈橋泣血

謹狀



上音... 卷六

... 卷六 ...



Faint, illegible text impressions, possibly bleed-through from the reverse side of the page.



沈母鄭孺人傳

劉宗周

氏姑胡早寡治家嚴肅舉動一循禮法氏事之極孝  
謹遵姑訓無少違懈胡嘗云此婦故賢最當吾意則  
氏之端莊淑慎可知矣氏系出名門父爲郡守幼嫻  
姆教勤習女紅並不自知其富貴委禽以後旣悲尊  
章之早世不及見而又傷心于姑之賢德而孀居也  
極意侍奉務得歡心克相夫子勉令成名以顯揚其  
親迨後得拔貢士秉鐸清平縣學何莫非內助之力  
耶初姑歿後致敬盡禮無不周備以未及葬期柩尚



在堂一日夫外出家內失火親隣咸顧已家皆倉皇  
搬散氏一人在堂喊救絕無應者當時火焰漸逼棖  
題將斲勢處危迫氏撫棺號泣誓以身殉衆婢女拽  
之出堅不聽俄而風轉火威稍却遠近之人羣來救  
熄雖頭額微有傷損而未至焦爛柩亦無恙噫夫世  
之稱孝婦者謂其竭力敬養病則割股祈禱而已至  
若危險之際萬難措置至死不顧甘以身殉者有幾  
此非其孝之出于天性真情流露不能自己誠可上  
格于天者而能致此乎故氏壽踰耄耋夫婦齊眉子



孫衆多咸登仕版卓卓有政聲者不可枚舉天之報  
施固不爽也余因其婦乃余族祖姑生平聞之最悉  
其善行皆不可以泯滅故特爲其家立傳者三世



皇音汝良詩

皇音汝良詩

皇音汝良詩

皇音汝良詩


皇音汝良詩

皇音汝良詩

皇音汝良詩

皇音汝良詩

皇音汝良詩





第八世慶山府君行狀

萬曆乙亥六月八日撰

沈

樞

先君諱蓋字德臣別號慶山其高祖諱勤號寶善曾祖諱潭號裕菴以子性官封御史祖諱恪號一齋行實備載縣誌父諱琨號桂軒先君以次居第四甫弱冠入郡庠時家值糧役吏卒日擾於庭先君閉戶讀書弗顧也正德丁卯年三十有一領浙江鄉薦五赴禮闈弗獲第乃歎曰吾親老矣弗克竊升斗以爲養罪也遂受職嘉靖癸未得袁州府通判既之任見其郡水旱頻仍擬將所熟縣分通移以蘇民困事上巡



撫值菴盛公是其言居數月卽以治能薦於朝改衡  
州抵郡首閱賦籍曰吾責在是矣爰立爲法不俟期  
而正者供逋者入上下交足留都聞而獎譽之有催  
科允愜乎輿情完運獨先於諸郡之語暇則與甯元  
伯玉添表輩親與講授或剛潤經義後甯中戊子第  
七王中辛卯第九衡人服其文教云甲申強賊依衡  
山爲巢穴放兵流劫衡永長寶諸處而衡州尤猖獗  
民皆望風奔潰先君承檄卽自草橋率師以往執其  
渠首而餘賊爲之悉平功上臺省獎禮優渥巡撫黃



公衷有密計勦除蕩一方之劇寇多方平定安四郡  
之良民之譽衡民德之建祠於石鼓山之陽諸葛武  
侯之廟之右歲時致祭南京翰林院侍讀學士四明  
北川吳公撰文立碑以紀其事自是而先君之政益  
修名益著踰數歲已丑巡撫朱公延聲巡按唐公符  
以才堪治繁交章保薦遷濮州幾八月政有成效分  
守木由嚴公特禮重之而桂軒翁計至歸壬辰冬旣  
服闋補邠州踰四載時年六寸矣以道衝苦寒力不  
能支欲致政適道遇衡陽峒嶺祝公勸之歸意遂決



祝公與先君素契厚者也以給事差往甘肅見先君  
氣質稍衰故止之先君在家作閒散人興致則放舟  
鑑水湖上策杖慶山麓中盡白而返所居一亭竹籬  
蓬戶菊數本蘭數叢其傍引水爲流觴名其亭曰小  
蘭亭與鄉中諸老月會以敘詠時南川陶君諧壽之  
曰殮英兮屈平共醉兮淵明高風兮千古渺復見兮  
先生潯陽董公份又曰埋首篤學總理羣書仕而有  
德於袁衡濮邠之間退而適意於稽山鑑水之上有  
柴桑之風喬松之壽越之賢大夫而隱者也先君性



剛直家甚貧自歷府倅州牧凡爲大賓者五郡伯江  
村沈公以先君帥行冠禮者一公事外公庭之上未  
嘗一私謁焉而人不敢干以私蚤歲從古虞躍川張  
公學張名士也從游者衆獨許先君爲能得經書之  
秘旣而文望日著自吾越以及淮陽括蒼通州諸郡  
皆聘爲弟子師先後相從者百餘人松溪縣尹同邑  
金東泉廣州府推官山陰駱容山湖廣按察使從姪  
南山監察御史遂昌黃西野皆出先君門下著有易  
學便考毛詩名物解輯四書章圖總要類王陽明宣



風唱和集一齋公龍山十咏集皆序其首鈐梓以傳  
又有經書大意經書義類史畧祭禮儀節文辭詩歌  
及撮取陰陽鑿卜之要者纂錄成帙凡若干部餘若  
問答皇極數書推明加一倍法叶聲音字母而盡其  
餘聞者皆爭慕之研六書之法尤工題署求書者接  
踵如聖教蘭亭等序刻日臨數過字皆逼真現有墨  
蹟若干卷凡此類槩等皆藏於家晚則親錄近年詔  
旨纂修家譜明祀典寫列祖像惟日孜孜老而不倦  
先君向康健甲子年八十有七於四月二十日忽小



志動履如常臨終前二日猶衣冠歛賓客不幸於六月十四日卒於正寢遺言櫬輩守家訓勤詩書無墜先業嗚呼痛哉配先妣張氏諱五官山陰松林里南京都察院司務修齋公之女也外祖母蚤卒先妣五歲外曾祖母范安人撫養之嘗曰此女頸上有異紋貴固不必言也修齋公亦珍愛異常每呼五官置膝上授以詩書先妣性質淑慧言動不凡經子等書通其大義執事女工久而忘寢內則奉范安人之教而外受脩齋公之訓也年十六歸我先君相對如賓時



弘治戊午先君年已二十有二矣先君尚意學業每  
館於外舅姑在堂先妣獨當中饋祖母吳孺人甚嚴  
介諸子婦少當其意者獨稱先妣爲能得婦道及先  
君五赴禮闈卒業南雍家之食先妣織紝供給得無  
缺先君授袁衡別駕陞濮州州正先妣皆同行先君  
所至得有聲譽膺獎擢皆先妣內助之力也平生不  
喜華飾嘗服布簪荆充然自足櫪幼時嘗以元亨利  
貞一段謂義理精微蠶絲牛毛引文析理而口授之  
復誠櫪等當奮志自勉以繼父業又以關關雎鳩一



章字句旨義親授二姊其事舅姑也以禮處妯娌也  
以和待櫬妻如子女下至僕婢善撫視之要皆從容  
和易無稍矜長色意嘉靖乙未六月病瘵以庸鑿誤  
灸發外瘍弗治疾且革執櫬妻手曰汝至孝我今永  
訣矣東未娶幸善圖之言訖遂逝時九月朔也詎生  
成化癸卯九月十日享年五十有三繼母莊氏子男  
七長卽不肖娶同邑悅風章公女次東娶山陰大田  
縣丞某周公女次東南京通政使司右通政娶山陰  
太學生東園張女先妣出次竦太學生娶府城武德



戶侯仲江陳公女次乘娶山陰對洲朱公女次棟中  
書娶山陰某張公女次巢娶山陰西涯陳公女繼母  
出女三長適山陰吳鵠次適同邑章沂先妣出次適  
同邑謝曙繼母出孫男十三系雲中庠生雲遠雲文  
雲際雲表雲霓雲洪雲靈雲登雲洲雲遇雲陽孫女  
六長適山陰東昌府知事東園薛公長子楨次適同  
邑恩縣縣丞碧溪陳公次子守賢餘尚在室曾孫男  
二應恒應謙先妣卒於先君前三十年繼母壽五十  
有一幸在堂先君之卒時弟束以禮科給事疏忤權



貴詔獄十六年尚未釋放先妣之卒時弟束年已二十有二迄今距先君卒時十有二年距先妣卒時四十有一年弟束蒙恩出獄擢陞南京右通政而不肖年已六十有九先考妣尚未有銘不孝之罪誠不可追繼母今年六十有一少先君三十八歲不肖奉繼母命謹序次其行實於右上于當世立言先生倘辱矜其哀誠而賜以琬琰之章則幽光闡發足以榮雙親於不朽矣櫛等不勝懇切之至



